



Septembara 16, 2021
Tapvainnak Kaujisautitsaulauttuk

Nunatsiavut kavamanga kiugusiKavuk NunatuKavut Nunalet kaunsalingita nunamik satusaigumanninginnut

Nunatsiavut— AngajukKaunet katimajigijangit Nunatsiavut kavamangani sakKititsiKaujut kiugusimmik uKâlaunaunginnalinninganut NunatuKavut Nunalet kaunsalinginnut (NCC). KaujisattuKakKâtillugu amma uKâlaKataujuKakKâtillugu, Nunatsiavut AngajukKaunet katimajingit uKalilauttut pijagetsimalinniminik taikkua NCC sakKititsisimangingit sulitsiatumik pitaKagiaKangininginnik Inuit pivitsalaginginnik.

“UKâlaKataunnivut amma inogusigiKattasimajangit Inugijatta nalunaitsiavuk Kanuilingausittinik. IilitatsiniKangilagut NCC KinugautiKanninginnik nunamik satusaigumanninginnut, ” uKajuk Nunatsiavut AngajukKaunet katimajingita AngajukKânga Johannes Lampe. “TusaKattasimalikKugut ilaliugutilittinik pikKujinninginnik Nunatsiavummiut kavamanganik uKakKulugit tamatsumunga, ammalu tuavilaungilagut uKatsiagiamik pimmagittumut pidjutaujumut—tâvatuak tamatsumunga sivuppianiKagiaKalikKugut isumagillugu Kanuk uvattinut uKasimanningit amma uKausiKatsialuta sulitsiatumik uKausitigut inogusittinik amma Kanuk ilagenniKammangâta.”

Nunatsiavut AngajukKaunet katimajingit uppigusutsiajut ilangit ilaliutijut NCC-mut namminik NunaKakKâsimannimut ilatsajaKagaluanninginnik amma piusiKasimallutik, NCC namminittâgunnangittut nunanik Labradorimi.

“Inulluta, utennaKugut uKausitigut inogusigijattinik, ilatsajaKannitinnik amma Kaujimausittinik inugijattinik. Tamanna Kaujimausik nalunaitsiavuk kinakkonittinik Kanuilingausittinillu,” uKajuk AngajukKâk Lampe. “ Nunatsiavummi Inolluta , pijagetsimavugut nunamik satusainnimut angiKatigegutimmik satusaiKataulaulluta kavamaujunnt unuttuni jârini. Pimmagittovuk paitsigiaKannitinnik amma ililitatsiniKalluta pivitsagigialinginnik Inuit Nunatsiavummi amma nunatsualimâmi.”

Nunatsiavut kavamanga KinugautiKammijut apviagutiKagiamik Innu Nation akigattugumanninginnik kavamanganik Kanata sinnâniKallutik NCC satusaigumanninginnik.

Kaujisapviugiiallagunnatut tusagatsaliginnimjut:
Kaujitsigitsi MediaStyle at media@mediastyle.ca